

# Press Release

For Immediate Release - Ref: 12122019/5



Signed

DD MM YYYY  
12 Dec 2019

## Tlhokomeliso ka Mobile Money ho Sechaba, e etsoang ke Banka e Kholo ea Lesotho le Litsi tse fanang ka Litšebeliso tse joalo e leng ; Vodacom Lesotho, Econet Telecom

Banka e Kholo ea Lesotho ka tšebeliso mmoho le litsi tse fanang ka litšebeliso tsa M-Pesa, EcoCash and Khetsi (e leng Vodacom Lesotho, Econet Telecom Lesotho, le Lesotho PostBank, ka tatelano) li etsa tlhokomeliso ka tsena tse latelang:

### 1. Bomene-mene:

**a) Bomene-mene ba litšepiso tsa mesebetsi:** Hona le batho ba qhekanyetsang batho ho ba romella chelete ka M-Pesa, EcoCash le Khetsi ba ikhantse eka ke basebetsi ba likhoebong tse ikemetseng kapa Makaleng a 'Muso oa Lesotho. Baqhekanyetsa bana, ba tšepisa batho mesebetsi likhoebong tse ikemetseng kapa Makaleng a 'Muso, ha ba ba romelletse chelete e joalo. Sechaba se eletsoa ho ela hloko hore ha ho na likhoebong tse ikemetseng kapa Makala a 'Muso a ka batlang ho pataloa hore ba fane ka mesebetsi.

Banka e Kholo ea Lesotho, Vodacom Lesotho, Econet Telecom Lesotho le Lesotho PostBank li eletsang mang kapa mang ea ka koptjoang ho fana ka chelete ka M-Pesa, EcoCash kapa Khetsi hore a tle a fuoe mesebetsi likhoebong tse ikemetseng kapa Makaleng a 'Muso ho etela likhoebong tse joalo kapa Makala a 'Muso ho ea fuputsa litaba tse joalo pele ba ka romella chelete ho mang kapa mang.

**b) Boqhekanyetsi ba li-agent/merchants ka mokhoa oa SMS:** Sechaba se boela se hlokomelisoa ka baqhekanyetsi ba etsang melaetsa ea mafosisa e bontšang eka ba ntšitse chelete lipache-fonong tsa bona tsa M-Pesa, EcoCash kapa Khetsi, ebe ha morao ba kopa li-agent tsa M-Pesa, EcoCash le Khetsi ho ba fa chelete e joalo. Baqhekanyetsi bana, ba boetse ba etsa melaetsa e meng ea mafosisa e kang ba sebelisitse litšebeliso tsa M-Pesa, EcoCash kapa Khetsi ho reka lithepa likhoebong tse amohelang M-Pesa, EcoCash kapa Khetsi e le mekhoe e meng ea ho patala, 'me ebe ba kopa ho fuoa thepa kapa litšebeliso likhoebong tseo.

Ka hona, li-agent tsa M-Pesa, EcoCash le Khetsi le likhoebong tse amohelang ho pataloa ka mekhoe ena e mecha, li eletsoa ho sheba melaetsa e pakang hore e fela batho ba patese ka M-Pesa, EcoCash kapa eona Khetsi pele ba ka fana ka thepa kapa litšebeliso ho mang kapa mang. Sena se tla thusa li-agent tsa

M-Pesa, EcoCash kapa Khetsi le likhoebong tse amohelang ho pataloa ka mekhoe ena e mecha ho itšireletseha khahlanong le boqhekanyetsi bona.

**c) Boqhekanyetsi ba ho tsetela chelete mebarakeng ea lichelete:** Basebelisi ba litšebeliso tsa M-Pesa, EcoCash le Khetsi ba boetse ba hlokomelisoa ka baqhekanyetsi ba bang ba reng batho ba fane ka lichelete tsa bona e be ba tšepisa ho khutlisa lichelete tse joalo le tsoala tse holimo ka ho fetisisa kamor'a ho li tsetela limmarakeng tsa lichelete. Banka e Kholo ea Lesotho e eletsang sechaba ho se fane ka lichelete tsa sona ho baqhekanyetsi ba joalo hobane ba etsa mesebetsi e joalo ntle le mangolo a tumello (licences) a ho etsa joalo. Ka hona, ba ntse ba tlola molao.

**2. Chelete ea Lefofo/Mokunyata:** Ho boetse hona le baqhekanyetsi ba bang ba kenyang chelete tsa bomene-mene lipache-fonong tsa bona tsa M-Pesa, EcoCash eka sitana le Khetsi, ebe ha morao ba ile e ntša ho li-agent tsa M-Pesa, EcoCash le Khetsi. Liketso tsena ha se feela tlolo ea molao, kaha e le ho hlatsoa chelete, empa li bile li etsa tahlehelo e kholo ho li-agent tsena tsa M-Pesa, EcoCash le Khetsi tseo chelete e joalo e tla be e ile ea ntšoa ho tsona. Ka hona, Banka e Kholo ea Lesotho e eletsang li-agent tsa M-Pesa, EcoCash le Khetsi le sechaba ka kakaretso ho ithuta matšoa a chelete ea Lesotho (Maloti) le a ea Africa Boroa (South African Rand) e le ho qoba ho qhekanyetsoa ka mokhoa oona. Li-agent tsena tsa M-Pesa, EcoCash le Khetsi li eletsoa ho tlaeha mang ka mang eo ba ka bonang a sebelisa chelete ea bomenemene litšebeliso tsa bona liphaposeng tse haufi tsa Sepolesa sa Lesotho.

**3. Thomello ea chelete ka M-Pesa, EcoCash kapa Khetsi:** Banka e Kholo ea Lesotho, Vodacom Lesotho, Econet Telecom Lesotho le Lesotho PostBank li eletsang basebelisi ba M-Pesa, EcoCash le Khetsi ho ba hlokolosi ha ba romella chelete ka litšebeliso tsena. Litsi tsena li eletsang basebelisi ba litšebeliso tsena le sechaba ka kakaretso ho netefatsa linomoro tsa fono le mabitso a batho bao ba batlang ho ba romella chelete ho bona, pele ba ka etsa joalo. Hape, batho bohle ba romelletsoeng chelete ka phoso ka tsona litšebeliso tsena, ba kopuoa ho ananela likopo tsa ho khutlisa chelete eo e romelletsoeng ho bona ka phoso. Sena ke hobane ho sebelisa chelete ea motho e mong ntle le tumello ea monga eona, ke tlolo ea molao.